

寧河縣志卷之十六

雜識志

凡四

易曰雜物撰德辨是與非則言豈一端而已哉雜而識之無乎不該矣洪志矯杜志之簡於此多標門類有曰拾遺又曰別錄又曰集說內又分建小目側生旁挺斯以勤矣然多此紛紛不免屋下架屋之弊余以雜識統之曰古蹟曰廟觀曰襍祥而以紀聞終焉然諸志家多終於藝文茲以雜識殿後何也易曰物相雜故曰文是雜識亦文類也從其類也志雜識

寧河縣志

卷之十六

雜識

一

古蹟

梁城五代劉仁恭爲鎮時所築

軍糧城在縣西南一百四十里劉仁恭所築

紅心隄在縣西四十里小海北莊距莊北五里道傍有土堰一條故老相傳卽秦始皇所築紅心隄今去海甚遠潮水不至矣

白沙嶺在軍糧城莊北十里許橫嶺一段廣數頃相傳五代時劉仁恭將軍屯營於此迄今洪水不沒紅土坨在造甲城莊南五里許有圓坨一段濶頃餘

亦傳劉仁恭兵住於此

分界碑在于家舖莊西里許爲津寧分界處

避風嘴蠓山在海口鹹水處硯礪相扶截流激盪寧
邑無山此獨舊號蠓山亦見流中之有峙云

馬跑泉在縣南螳頭沽唐太宗征高麗時經此地海
水鹽不可食忽馬跑地得泉飲之甘冽兵士皆於此
取給焉後鑿爲井水僅擔石挹注不窮雖遇大旱河
水之狹者盡涸而此泉如故一方之民享其利焉

營城去縣邑五十餘里唐太宗有高麗之役因築土

寧河縣志

卷之十六

雜識

二

城駐中軍其前軍後軍則更屯他村所謂前後寨上
者是也其北則有司甲坨爲製甲之所又北則有亮
甲坨尚有數坨突起似古塚故老傳謂唐時於此亮
甲云營城之城基四十年前猶留故址鄉民能道其
處而於寨基司甲坨之舊迹皆不復可識蓋世遠跡
荒事之不能以徵實者類如此

炮臺距縣南九十里地名北塘東西二臺對峙前明
所築以防海寇也臺高五丈許設炮於上嚴列兵甲
以守之其時海氛正熾附近居民不得休息自我

朝定鼎以來百餘年間

仁恩汪濊

文教覃敷東西朔南數萬里外靡不沐浴

膏澤故海波之上竟爲沃區居民得收魚鹽饒利於其中而所謂列海扞衛如炮臺者俱無所用遂久不修葺其在塘之西首者已廢壞僅存其基而東首一臺猶屹然獨立爲士民登眺之所矣

小鹽河卽漢沽也自潮河經漢沽莊北東達尹家竈毛家竈張家馬頭諸古煎鹽處土緇赤色鍋痕猶存

寧河縣志

卷之十六

雜識

三

星相家往往誤指爲有生氣父老云潮河卽曹孟德鑿潞水通泉州渠以入海者也漢時官給鹽船自潮河運入而鹽自小河運出漢無漕運卽潮河亦利運鹽耳今改灘曬去河漸遠亦地利使然也至東通崔家溝以運港鹽又

國初崔周田所開者河有雙橋東石西木河以南半產鹽之所河以北盡屬引地沿河而東則巡鹽人役以防私販云

論曰今古蒼茫浮生過客所恃以傳者蹟耳周官誦

訓掌道方志註謂所記形勝事實之蹟此古蹟所自始也然常人貴耳賤目矐所聞而疑所覲則傳會失實者有之要惟考訂該洽以備參稽庶一邑之形勝事實藉以不沒所以鑒而省之也若惟是掇拾荒蕪祇供學士文人遊覽之用抑末矣

廟觀

關帝廟 本城一 蘆臺一 黨家莊一 東棘坨一
 北塘一 新河一 潘莊一 西棘坨一

文昌閣 本城一 蘆臺一 潘莊一

魁星樓 本城一 蘆臺一

寧河縣志 卷之十六 雜識 四

城隍廟 一在潘莊萬歷二年御用監建立 本城一

龍王廟 本城一 營城一 江窪口一 蘆臺一

藥王廟 西關一 蘆臺一

元帝廟 本城一 潘莊一 西關一 蘆臺一
 造甲城一

準提閣 本城北

朝陽寺 本城一 張緒莊一

觀音閣 本城一 西關一 蘆臺一
 漢沽一 北塘一 北于家舖一

三官廟 蘆臺一 營城一 漢沽一 本城一
 北塘一 新河一 塘兒沽一

聖母廟 在蘆臺有碑 記見藝文

小聖廟 漢沽一 新河一

鐵神廟 在二港莊 鐵鑄神像有記見藝文

霧臺寺 在蘆家務

東大寺 在蘆臺

娘娘廟 本城一 邢家坨一 營城一

白衣菴 本城一 蘆臺一 營城一

按余志壇廟於祀典之末其典禮所當崇者悉備焉而邑中所奉祀者不一其域故又詳於此篇之首

寧河縣志

卷之十六 雜識

五

襍祥

金

至寧元年八月癸巳海水不潮寶坻鹽司懼虧課致禱無應九月丙午宣宗卽位乃潮

元

至正元年二月饑賑米兩月

十九年蝗食禾稼所至蔽道人不能行入人屋室乃大饑

二十九年大饑發通州河西務粟賑之

延祐二年七月大水〔按〕至治元年泰定二年皆有水災

泰定三年七月大風雹折木傷稼

至順三年八月饑

明

宏治二年大水饑六年鬼兵動潞河以東村落居民奔駭渡河多溺死者

正德七年黑眚見民間男女多被抓傷夜則鳴鐘伐鼓以防之月餘乃息

寧河縣志

卷之十六 雜識

六

嘉靖二十五年大水無禾

三十二年大水饑

三十九年蝗食麥禾殆盡

崇禎十三年大水無禾

十四年旱飛蝗蔽空邑令漆園捕蝗三十石民之饑者食之

國朝

順治八年原隰皆登大有年

九年十年連大水奉

旨發庫遣大臣賑濟

十一年大水奉

旨發庫賑濟

康熙十八年秋禾大稔

二十九年大水

詔發庫賑之并免租

三十二年大水

詔盡免今年租

五十一年水逢

寧河縣志

卷之十六

雜識

七

聖祖仁皇帝萬壽肆赦賑饑蠲賦民忘其災

雍正二年大水

世宗憲皇帝遣官查賑

三年復水發太倉米賑濟自十月起至明年三月止

全活以億萬計

八年八月地震是年大稔

十一年水發粟賑八百一十五莊

乾隆二年大水

詔有司賑濟

五年水賑如前

八年五月大暑人多暍死

上命地方官設水廠施藥以濟

九年夏久不雨

上虔禱甘霖大沛是秋有年

十五年水有賑

二十六七年水有賑來春加賑

三十三年水有賑

三十五六年水八月亟賑十月大賑來春加賑

寧河縣志

卷之十六

雜識

八

三十九年秋旱有賑來春加賑

論曰慎竈言天水火妄訊以二子之精亦有時而失天道之遠如此耶然漢志有云政失於此則變見於彼猶景之象形響之應聲自然之符則又未嘗遠也若郅隆之世災轉爲祥由補救宜德有以勝之耳書曰惟吉凶不僭在人惟天降災祥在德此其故可思矣

紀聞

唐末乾寧元年李克用表劉仁恭爲盧龍軍節度使

及朱全忠篡唐國號梁仁恭子守光亦幽父而自立置蘆臺軍於海口以備滄州梁乾化元年守光僭稱燕明年晉遣周德威會鎮定兵攻之擒其將單廷珪於龍頭岡三年正月拔順州二月拔安遠軍三月進克蘆臺軍此劉晞顏縣記所以有破燕軍於龍岡收復蘆臺軍說也蓋總括之辭耳爲攷其本末如此

五代時南北分據限以疆界幽燕之地鹽絕者歲餘百姓病之忽有姥語人曰此地可煮土成鹽遂教以煮法不數日俄失所在居人神之謂爲聖母後有人

寧河縣志

卷之十六

雜識

九

新其像越日忽報臺南十里皎白如雪約十數頃厚積寸餘趨視之則皆鹽也居民競收之名曰瑞鹽

小聖海神也相傳姓滕諱經本一文士年二十三落河成神故稱爲小聖舊有廟在天津河西其神甚靈始封平浪侯繼封護國濟運顯應平浪元侯順治六年津人復建祠於河東鹽坨廟宇宏敞庀材鳩工皆取給於商以商船往來屢荷顯應也康熙三十三年甲戌重修邑中漢沽新河北塘等處亦俱有小聖廟燕山叢談載寶坻銀魚都下所珍北人稱爲麵條魚

形似東吳鱠殘而倍大出海中蛤山下秋深霜降上
溫泉產子映日望之波浪皆成銀色人每候其至網
之又詩草木蟲魚鳥獸疏云漁陽泉州鱣似魴而頭
大幽州人謂之鴟鷂亦謂之胡鱠按麩條魚比銀魚
差小而長產于春
未夏初似
另一種

崇禎十五年大盜蘇鳴秋結其黨靳時魁姜計民等
聚衆於邑之埋珠莊知縣高承埏以計擒之有傳見
名宦

杜文端爲相時京中有無賴子偶與騶卒鬪乘醉隨
公輿後辱罵公若不聞又隨至邸第詈不止久之公

寧河縣志

卷之十六

雜識

十

遣問曰詈可已乎乃去酒旣醒或告以昨日辱宰相
倉皇詣第謝罪公慰遣仍予之金令改行生理其人
感泣而去歲時必至公門叩拜卒爲善人

按漢書丙吉居相位尙寬大馭吏嗜酒嘗醉吐丞
相車上西曹主吏白欲斥之吉曰以醉飽之失去
士此人將復何所容西曹第忍之此不過丞相車
茵耳遂不去文端此舉畧與相類而卒使冥頑恥
格蕭艾化爲芝蘭寬仁所被不更大且遠哉

邑每遇伏汛水流至海而沿海一帶陡高丈許遮截

內水若驅之使回者邑人謂之攔江直待白露後漸就平復遇水發亦不爲害論者以爲海運之故然海運變化呼翕消息甚大似不因內水爲起伏也蓋寧河衆水以海爲歸倘疏洩不時沙沾低窪洵淋漓積大雨時行之際羣流奔赴迴薄震蕩鷗冠子所云水激則悍是也白露後則雨止而勢殺矣俗謂下有千年鐵鍊能興波致浪說亦近誕

縣東南逼海遇辰戌丑未年春夏之月滴火潛發洪波沸揚焦燎灼楹浮溢海面百里內外蒸然不可嚮

寧河縣志

卷之十六

雜識

十一

邇邑人謂之海燒海燒者云海龍王燒宮也此說殊謬悠可笑舊志引杜光庭錄異記載海龍王宮在薊州東又引蓬溪縣志所記有火泉以實其說頗亦附會失攷按拾遺記西海有浮玉山山下有穴穴中有火波光灌蕩而火不滅名曰陰火又素問云澤中有陽燄注陽燄如火烟騰騰而起於水面木元虛賦所謂陰火潛然是也又劉彥和新論載蕭邱寒燄蕭邱在海中有自生火春起秋滅著木不焚燎以陽火卽滅以此言之則烏有伐木燒宮之說哉寧邑地瀕沮

澤斥鹵所在煮海爲鹽鹽陰物也澤氣所蒸易兌爲澤一陰在上又爲鹵濕能生光蓋山澤爭氣必兆熒臺刑德積精是生陰火猶地之有陽泉也卽溫泉物理之常居民少見多怪耳吾粵近洋一帶時常有之子嘗艤舟其次夜色斗暗海光乍騰靄昱絕電百色妖露隨風飄墮延繞居廬詢之士人則習慣無畏也東坡遊金山寺詩云是時江月初生魄二更月落天深黑波心似有炬火明飛燄照山棲鳥驚悵然歸卧心莫識非鬼非人竟何物亦足爲海燒之證事誠有之

寧河縣志

卷之十六

雜識

三

彼依於鬼神之事惟怪之欲聞者陋矣

海城海氣所蒸者也天地間海爲物之最鉅而奇亦稱之天官書謂海旁蜃氣象樓臺廣野氣成宮闕海城者與蜃樓異名而同幻其來也無端其息也無跡而偶於朝曦初上時見之城垣高十許丈東西綿亘中則雙扉洞開行人往來不絕有策馬者有乘車者有坐肩輿者有徒步而過者望城中屋宇鱗比櫛連或爲朱門廣廈或爲茅簷蓬戶未嘗齊一而炊烟如縷縹緲空際其間有大梵宮金碧輝煌照曜人目宮

外高樹靈旗字跡隱隱難識遠方之士驟卽之以爲
駭居人歲或三四見不足怪也

霧臺寺在蘆家務縣治西南三十五里昔傳寺在河
西居人村落在河之東拜往跋涉村中有一老嫗每
日渡河虔禱前後四十餘年不倦忽一日濛霧四塞
杳冥晝晦但聞半空風濤聲居民盡駭睛明視之寺
已歸然河東矣故名霧臺寺此與中宿峽飛來寺畧
相似愚叟移山語雖汗漫然積誠所感理或然也

鐵神廟在縣南劉家河相傳昔有老翁夢神降於室

寧河縣志

卷之十六

雜識

三

曰我海神也當爲我築宮其人不解所謂早起往來
河滸見有鐵像端坐水涯始悟神語因徧告鄉人謀
建廟宇然未識神之憑依何所也遂請於神以索擡
之期索斷處卽爲廟之基址左右環走至劉家河西
首而索四裂於是卜吉成之往禱亦輒驗云

魚骨廟在神塘縣治正南六十里地近海當年有巨
魚浮岸上其骨大且多土人因取之修一廟其枋櫨
枋椽俱用魚骨爲之

三官廟古刹也康熙癸亥崔國祚重修殿三進門有

銅頭七十二圓圓六寸許神像莊嚴東南護符也乾隆三十八年有以黃旛娘娘之龕列於正案東側者案頭與正案相抵忽於四十年十二月二十三日夜龕像俱火化僧視之僅餘燼一堆而相抵之正案漆色如常惟東壁赤紫火炎錯綜而上巋然一浮屠形也迄今宛如畫圖乃信邪正之不容並域而居而神威之不可測也如是夫

赤城灘莊南娘娘廟明萬歷二年建未建之先有古槐樹不知幾何年代矣拿攫婆娑生意已盡忽於乾

寧河縣志

卷之十六

雜識

十四

隆四十二三年間空心斷節中挺發勾萌交枝接葉居民異之

乾隆己卯元旦五更知縣謝洪恩謁

聖廟過照牆見雙燈前導五采繽紛光耀異常出見亦如是不勝駭詫問隨役咸云無所見因念今當大比之年雙燈示兆寧河中式者兩人一則聯捷臨期必應每逢紳士謁見亦言之至秋闈本城劉人睿果領鄉薦明年成進士一如所云

乾隆己丑年冬夜 魁星樓常見火光居人曰此乞

丐向火禦寒也旦視之毫無灰迹衆以爲異初不解其何兆迨次年七月七日爲魁星誕辰闔邑士子瞻拜見樓上祥光旋繞逾時始散識者云此文明之象今科鄉闈必盛衆始恍然去冬火光亦此兆也及榜發獲雋者四寧邑人文之盛蓋以庚寅爲最云
薊州盤山每逢元旦夜放天燈墜落某處卽主某處豐收乾隆己丑年元旦有天燈落於寧屬鄉民咸以爲豐收吉兆是年果大熟

邑東門外里許有杜文端公祖塋內常有馬駒出現

寧河縣志

卷之十六

雜識

五

毛色金黃奔馳嘶嘯食草於塋遠望之見其精光曜目近就之則不見屢屢如是後文端公以癸未進士受

國朝徵辟位至宰輔其靈異昭應如此

西雙莊東南有甜水井一口莊去水遠素苦汲飲康熙三十五年以堪輿家言於莊東南城荒地內掘之果得甜水自是闔莊無汲飲之苦乾隆八年砌之以磚

赤城灘莊西甜水井一口地名大麥窪離莊五里乾

隆四十三年莊民爲飲牲畜計挖坎得泉嘗之甚甜
遍告闔莊展寬挖深以資取汲赤城灘南北于家舖
三莊均賴之

乾隆十七年荒旱乏食東南楊家泊李家沽等莊有
港長二十二餘里亦旱涸港底有草團居民檢視之
其子如稜其芒長一寸餘食之其味鹹粗稜刺舌不
能咽碎之水沃一宿漉乾炒食儘堪充腹競撿之有
以蓆囤者初不解其爲何物也知縣屠祖賚下鄉省
災問民所食出示之曰此荒年寶也卽封稟各上

寧河縣志

卷之十六

雜識

十六

憲並諭之曰此浮萍子也秋熟時榦萎子垂風水盪
結而爲團亦物之僅見者

寧地卑窪遇旱魚螺變爲蟲蝗蝗亦蝻類爾雅有蝻
五曰蝻蝻曰草蝻曰蚶蝻曰螿蝻曰土蝻而蝗不與
詩之螟螣蝻賊皆其類也爲害最大乾隆四十三年
春旱八畝坨等莊間有生者衆且懼乃輒生輒死
未及報捕而蝗已無矣雖旱至六月十三日始得雨
霖而禾苗無恙麥亦稍有收土民咸異之

西塘坨民劉守秀之妻趙氏年三十八歲於乾隆十

七年十一月一產三男俱存育無恙直隸 總督方
咨部照例賞以米五石布十疋折給銀兩以資養贍
東塘坨民于邦朝之妻蘇氏年三十六歲於乾隆三
十三年四月一產三男俱存育無恙直隸 總督方
咨部照例賞以米布銀兩

論曰書稱人求多聞時惟建事則欲紀一邑之事非
多聞其曷濟哉近者則見而知之遠者則聞而知之
紛綸蕪蕪其軼時時見於他說者何可任其悉沒也
史記凡百三十篇而總之以網羅天下放失舊聞邑
乘之志亦若是則已耳後之覽者鑒其攷信之殷無
貽耳食之誚是余之厚幸也夫